



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ ԵՎ
ԱՇԽԱՏԱՆՔԻ ՏԵՍՉԱԿԱՆ ՄԱՐՄԻՆ**

ՂԵԿԱՎԱՐ

N 01/1491-18

15 " 08 2018թ.

0047, ՀՀ, ք. Երևան, Նորք-Մարաշ, Ա. Արմենակյան 129

☎ (374-10) 65-05-53, 65-46-95

Ֆաքս. (374-10) 65-16-60

ԿԱՐԳԱԴՐԱԳԻՐ

**«ՍԵՎԱԿ» ՀԱՄԱՏԻՐՈՒԹՅԱՆ ԿԱՌԱՎԱՐԻՉ ԱՆՈՒՇԱԿԱՆ ՀԱՅՐԱՊԵՏՅԱՆԻՆ
ԱՌԱՋԱԴՐԱՆՔ ՏԱԼՈՒ ՄԱՍԻՆ**

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետը և հաշվի առնելով Երևան քաղաքի Դրոյի փողոցի 8/1 շենքի թիվ 12 բնակարանի բնակիչ Արմեն Գրիգորյանի դիմումը՝ Հայաստանի Հանրապետության առողջապահական և աշխատանքի տեսչական մարմնում 2018 թվականի հուլիսի 16-ին հարուցվել է վարչական վարույթ՝ ՀՀ առողջապահության նախարարի 2009 թվականի դեկտեմբերի 22-ի թիվ 25-Ն հրամանով հաստատված «Բնակավայրերի տարածքների սանիտարական պահպանմանը, սպառման թափոնների հավաքմանը, պահմանը, փոխադրմանը, մշակմանը, վերամշակմանը, օգտահանմանը, վնասազերծմանը և թաղմանը, բնակավայրերի տարածքների սանիտարական պահպանման, սպառման թափոնների գործածության ոլորտում աշխատանքներ իրականացնող անձնակազմի աշխատանքային անվտանգությանը ներկայացվող հիգիենիկ պահանջներ» N 2.1.7.002-09 սանիտարական կանոններով և նորմերով և ՀՀ առողջապահության նախարարի 2010 թվականի հուլիսի 16-ի թիվ 13-Ն հրամանով հաստատված «Ախտահանման, կրծողասպան և միջատասպան աշխատանքների կազմակերպման, իրականացման և աշխատողների առողջության պահպանման» ՍՆ N 2.2.5-003-05 սանիտարական կանոններով և նորմերով սահմանված պահանջների պահպանումը պարզելու նպատակով:

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասը՝ հարուցված վարչական վարույթի շրջանակներում 2018 թվականի հուլիսի 27-ից մինչև հուլիսի 31-ը ներառյալ Երևան քաղաքի Դրոյի փողոցի 8/1 շենքում և հարակից տարածքներում ՀՀ առողջապահական և աշխատանքի տեսչական մարմնի Երևան քաղաքի տարածքային կենտրոնի մասնագետների կողմից իրականացվել է զննում: Չննման արդյունքում պարզ է դարձել, որ.

1. Ք. Երևան, Դրոյի 8/1 շենքի աղբամուղների բացվածքների դռները շենքի 1-ին մուտքի 5-6-րդ և 7-8-րդ հարկերի միջանկյալ հատվածներում հերմետիկ չեն փակվում, աղբամուղի բացվածքի դուռը 4-րդ հարկում բացակայում է: Աղբախցիկների դռների վրա առկա է բացվածք: Շենքի աղբահավաք խցերն ապահովված չեն հարթ, բարեկարգ, ամբողջական, լվացման և ախտահանման հնարավորություն ընձեռնող ներքին մակերեսներով, որով խախտվում է ՀՀ առողջապահության նախարարի 2009 թվականի դեկտեմբերի 22-ի թիվ 25-Ն հրամանով հաստատված «Բնակավայրերի տարածքների սանիտարական պահպանմանը, սպառման թափոնների հավաքմանը, պահմանը, փոխադրմանը, մշակմանը, վերամշակմանը, օգտահանմանը, վնասազերծմանը և թաղմանը, բնակավայրերի տարածքների սանիտարական պահպանման, սպառման թափոնների գործածության ոլորտում աշխատանքներ իրականացնող անձնակազմի աշխատանքային անվտանգությանը ներկայացվող հիգիենիկ պահանջներ» N 2.1.7.002-09 սանիտարական կանոնների և նորմերի (այսուհետ՝ N 2.1.7.002-09 սանիտարական կանոններ և նորմեր) 6-րդ կետի պահանջը:

2. Դրոյի փողոցի 8/1 շենքի աղբահավաք խցերում բացակայում է հատականցքը, որով խախտվում է N 2.1.7.002-09 սանիտարական կանոնների և նորմերի 7-րդ կետի պահանջը:

3. Բազմաբնակարան բնակելի շենքի 1-ին մուտքի 8-րդ հարկում՝ ընդհանուր բաժնային սեփականություն հանդիսացող տարածքում, առկա են կենցաղային ավելորդ իրեր: Շենքի բակային տարածքները գտնվում է անբարեկարգ վիճակում՝ կան նստվածքներ, ճեղքեր և անցքեր, որոնք նպաստավոր պայմաններ են ստեղծում կրծողների բազմացման, տարածման համար, որով խախտվում է N 2.1.7.002-09 սանիտարական կանոնների և նորմերի 26-րդ կետի 1-ին ենթակետի պահանջը:

4. Դեզինսեկցիայի (պայքար միջատների դեմ) հետ կապված աշխատանքների կատարման համար մասնագիտացված կազմակերպության հետ կնքված պայմանագիր կամ այդ աշխատանքների կատարումը հավաստող փաստաթղթեր չեն ներկայացվել, որով խախտվում է ՀՀ առողջապահության նախարարի 2010 թվականի հուլիսի 16-ի թիվ 13-Ն հրամանով հաստատված «Ախտահանման, կրծողասպան և միջատասպան աշխատանքների կազմակերպման, իրականացման և աշխատողների առողջության պահպանման» ՍՆ N 2.2.5-003-05 սանիտարական կանոնների և նորմերի 65-րդ կետի պահանջը:

Հարուցված վարչական վարույթի բազմակողմանիությունը, օբյեկտիվությունն ու լրիվությունն ապահովելու նպատակով 2018 թվականի օգոստոսի 13-ին, ժամը 11³⁰-ին ՀՀ առողջապահական և աշխատանքի տեսչական մարմնում (ք. Երևան, Նորք-Մարաշ, Ա.Արմենակյան փողոց, 129 շենք) տեղի է ունեցել վարչական վարույթի լսում, որն իրականացրել է ՀՀ առողջապահական և աշխատանքի տեսչական մարմնի ղեկավար Հովհաննես Նավասարդյանը:

Վարչական վարույթի լսմանը ներկայացել էին Երևան քաղաքի Դրոյի փողոցի 8/1 շենքի թիվ 12 բնակարանի բնակիչ Արմեն Գրիգորյանը և «Սևակ» համատիրության կառավարիչ Անուշավան Հայրապետյանը: «Սանիթեք Ինթերնեյշնլ» ՍՊ ընկերության տնօրեն Նիկոլա Էլ Թաուիլը պատշաճ կարգով ծանուցված էր, սակայն չէր ներկայացել: Վերջինիս կողմից որևէ միջնորդություն չի ներկայացվել:

ՀՀ առողջապահական տեսչական մարմնի Երևան քաղաքի տարածքային կենտրոնի հիգիենիկ և հակահամաճարակային վերահսկողության բաժնի թիշկ-հիգիենիստ Էմմա Քոչարյանը ներկայացրել է հարուցված վարչական վարույթի շրջանակներում 2018 թվականի հուլիսի 27-ից մինչև հուլիսի 31-ը ներառյալ իրականացված զննման արդյունքները:

Երևան քաղաքի Դրոյի փողոցի 8/1 շենքի թիվ 12 բնակարանի բնակիչ Արմեն Գրիգորյան նշել է, որ գարշահոտություն դեռևս առկա է շենքում:

Համատիրության կառավարիչը նշել է, որ վարչական վարույթի շրջանակներում իրականացված զննման արդյունքում հայտնաբերված թերությունների վերացման ուղղությամբ տարվել են աշխատանքներ: Համատիրության կառավարչի կողմից ներկայացվել են դրանց կատարման վերաբերյալ բացատրագիր՝ իր կից ապացույցներով, և զեկուցագիր:

Միաժամանակ, լսման ժամանակ պարզվել է, որ վերոնշյալ 2-րդ կետում նշված իրավախախտումը՝ շենքի աղբահավաք խցերում հատականքի բացակայության վերաբերյալ, հանդիսանում է շենքի կառուցվածքային բնույթի իրավախախտում և «Սևակ» համատիրության կառավարիչ Անուշավան Հայրապետյանի կողմից նշված իրավախախտման մեջ մեղք առկա չէ:

Հիմք ընդունելով վերոնշյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 1-ից մինչև 7-րդ գլուխների, «ՀՀ բնակչության սանիտարահամաճարակային անվտանգության ապահովման մասին» ՀՀ օրենքի 9-րդ հոդվածի 2-րդ մասի 4-րդ կետի և ՀՀ վարչապետի 2018 թվականի հունիսի 11-ի N 755-Լ որոշմամբ հաստատված Հայաստանի Հանրապետության առողջապահական և աշխատանքի տեսչական մարմնի կանոնադրության 19-րդ կետի 7-րդ ենթակետի պահանջներով.

ԿԱՐԳԱԴՐՈՒՄ ԵՄ՝

«Սևակ» համատիրության կառավարիչ Անուշավան Հայրապետյանին.

1. Սույն կարգադրագիրը ստանալու օրվանից 30-օրյա ժամկետում ձեռնարկել համապատասխան միջոցառումներ՝ ապահպանելով ՀՀ առողջապահության նախարարի 2009 թվականի դեկտեմբերի 22-ի թիվ 25-Ն հրամանով հաստատված «Բնակավայրերի տարածքների սանիտարական պահպանմանը, սպառման թափոնների հավաքմանը, պահմանը, փոխադրմանը, մշակմանը, վերամշակմանը, օգտահանմանը, վնասազերծմանը և թաղմանը, բնակավայրերի տարածքների սանիտարական պահպանման, սպառման թափոնների գործածության ոլորտում աշխատանքներ իրականացնող անձնակազմի աշխատանքային անվտանգությանը ներկայացվող հիգիենիկ պահանջներ» N 2.1.7.002-09 սանիտարական կանոնների և նորմերի 6-րդ և ՀՀ առողջապահության նախարարի 2010 թվականի հուլիսի 16-ի թիվ 13-Ն հրամանով հաստատված «Ախտահանման, կրծողասպան և միջատասպան աշխատանքների կազմակերպման, իրականացման և աշխատողների առողջության պահպանման» ՍՆ N 2.2.5-003-05 սանիտարական կանոնների և նորմերի 65-րդ կետի պահանջները: Դրանք են.

1) Բ. Երևան, Դրոյի 8/1 շենքի աղբամուղների բացվածքների և աղբախցիկների դռները հերմետիկ փակել, ապահովել աղբամուղի բացվածքի դռան

առկայությունը: Շենքի աղբահավաք խցերն ապահովել հարթ, բարեկարգ, ամբողջական, լվացման և ախտահանման հնարավորություն ընձեռնող ներքին մակերեսներով:

2) Մասնագիտացված ծառայություններին տալ միանվագ հայտ կամ կնքել պայմանագիր՝ դեզինսեկցիայի (պայքար միջատների դեմ) հետ կապված աշխատանքների կատարման համար:

2. Իրականացված միջոցառումների վերաբերյալ գրավոր տեղեկացնել Հայաստանի Հանրապետության առողջապահական և աշխատանքի տեսչական մարմին:

ՀՈՎՀԱՆՆԵՍ ՆԱՎԱՍԱՐԴՅԱՆ



Восстановимая подпись

Подписано: NAVASARDYAN HOVHANNES 3207720137

Սույն կարգադրագիրն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից:

Սույն կարգադրագիրը ստանալու օրվանից 2 ամսվա ընթացքում կարող է բողոքարկվել ակտն ընդունված տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան: